



12

1753/4 4

ORDINIS IVRIDICI DECANVS
GEORGIVS LVDOVICVS
BOEHMER D.

CONSILIARIVS REGIVS AVLICVS ET ANTECESSOR

CANDIDATI PRAENOBILISSIMI
AVGVSTI EVGENII BERNARDI FRANCISCI
BODIFE
BONNENSIS

SOLENNIA INAVGVRALIA

INDICIT

PRAEMISSA OBSERVATIONE

DE

P. 464

ARCHIEPISCOPIS COLONIENSIBVS
ARCHICANCELLARIIS PER GERMANIAM
SVB OTTONE M.

GOTTINGAE

PRELO GEORG. LVDOV. SCHVLTZII, ACAD. A TYPIS.

MDCCLIII.



ORDINIS IURIDICI DECANVS
GEORGIVS IVDOVICVS

HOTIMILID

CAUSAM CIVILEM
AVGUSTINVS DE BETHLEHEMVS

LODIE

SOE... INAVRARI

ARCHIEPISCOPVS COLONIENSIS

ARCHIEPISCOPVS RHEGNI

COTTINGA

GEORGIUS IVDOVICVS





§. I.

BRVNONEM, Colonienfem Archiepifcopum, *Italiae* archicancellarium fub Ottone M. fuiſte, exiſtimavit *Carolus Sigonius* de regno *Italiae* Lib. VII. p. 176. Eamdem ſententiam alii amplexi, novam coniecturam propoſuerunt, illud archiofficium eo tempore lege perpetua datum eſſe Colonienſi. Cum *Sigonius* idoneum opinionis ſuae teſtimonium non dedit, tum inductus eſt in errorem, quando *Brunonem Italiae* Cancellarium habuit, qui ea ſublimi dignitate in *Germaniae* cancellis functus eſt. Quod vt appareat, de archiepifcopis Colonienſibus *Germaniae* archicancellariis fub Ottone M. quaedam exponere, inſtitutum eſt.

§. II.

Viſto *Berengario* Rege eoque captivo in *Germaniam* deducto, *Italiam* ab *Ottone M.* recuperatam, regni *Italiae* coronam ab eo *Mediolani* a. 961.



et imperii coronam ab eodem Romæ anno 962. susceptam, indeque Italiae regnum cum Imperio Germanico unitum esse, testatissimum est. Solenne iam olim fuit Italiae regibus, cancellis regni praeficere *Episcopum* Archicancellarium. Eundem morem secutus Otto M. archicancellarius Italici et Germanici separatas seruauit rationes, ita quidem, ut quae ad res Italicas pertinerent, in scriniis Italiae, dum ibidem versabatur, expedienda curauerit, iisdem ceteroquin in Germaniae cancellis expeditis, dum in Germania commorabatur. Ex *Italiae archicancellariis*, qui sub Ottone M. inclaruerunt, duos nominare pro instituti ratione iuuabit, *Vidonem*, Mutinensem episcopum et *Hubertum*, Episcopum Parmensem. *Vido* inde ab anno recuperati regni Italiae primo, videlicet ab a. 962. archicancellarium Italiae administravit, prout diplomata Ottonis ab eodem inde ab a. 962. vsque ad a. 969. signata testantur. a) Vidonis praecipuam apud Ottonem auctoritatem fuisse, vel ex eo intelligitur, quod Imperator eum in diplomate, pro ecclesia Mutinensi a. 962. dato, b) et ab ipso Vidone ceu archicancellario recognito, *dilectum suum fidelem et summum regnorum suorum*

- a) Vid. diplomata Ottonis M. de a. 962. apud FERD. VGHELLVM in *Ital. Saec. tom. IV.* edit. Colet. p. 698. & aliud *tom. V. p. 176. dipl. de a. 963. ibid. tom. II. p. 205. et tom. V. p. 148. dipl. de a. 964. ibid. tom. V. p. 432.*
- b) apud VGHELLVM *l. c. tom. II p. 105.*



rum consiliarium appellat. Post Vidonis obitum archicancellariatus Italiae a. 969. obuenerit *Huberto*. Hunc *venerabilem S. Parmensis ecclesiae Episcopum et archicancellarium nostrum* vocat Otto M. in diplomate de a. 969. c) Idem diploma aequae ac alia multa *Hubertus*, ceu archicancellarius, recognouit. Si itaque Italiae archicancellariatus sub *Ottone M.* inde a primo imperii anno penes Italiae Episcopos fuit: archicancellariatum, quem obierunt Archipraesules Colonienfes ad Italiam non pertinuisse, vel ex eo euidenter intelligitur.

§. III.

Inter Germaniae archicancellarios sub *Ottone M.* duo celebrantur Archiepiscopi Colonienfes, *Wigfridus* et *Bruno*. *WIGFRIDI* memoriam renovare iuuabit, quem nec *Mallinckrotius* nec *Praesul Gotwicensis* in archicancellariorum numero recensent. *Herrimanno* in sede Colonienfi a. 923. successit, a) praesul vel eo nomine in annalibus celebratus, quod consecrationem *Ottonis M.* Aquisgrani faciendam permiserit *Hildeberto Moguntino Archiepiscopo*, quae ex iure dioecesano ad eum pertinere agnosce-

a 3

ba-

a) apud VGHLLVM l. c. tom. II. p. 158.

a) *Annalista Saxo* Eccardinus ad a. 923. *Hermannus Colonienfis Archiepiscopus obiit; Wigfridus successit.*



batur. *b) Wigfridum* in Ottonis palatio *archicancellarii* officio functum esse, testantur bina diplomata Ottoniana eodem anno 950. eodemque loco data. Alterum datum est pro ecclesia *Traiectina*, *c)* ecclesiam suffraganeam sedis Colonienfis, cuius subscriptio est: *Brun Cancellarius ad vicem WIGFRIDI archicappellani recognoui. Dat. XII Kal. Maii anno Dominicae incarnationis DCCCCL indictione VII. Anno vero Regni Ottonis XV. d)* Actum *Quindelingeburg*. Alterum est pro monasterio *Angariensi*, a Mathilde Ottonis M. matre in dioecesi *Osnabrugensi* fundato, cuius subscriptio est: *e) Brun Cancellarius ad vicem WIGFRIDI archicappellani recognoui. Dat. XVII. Cal. Maii, anno dominicae incarnat. DCCCCL. indict. VII. anno vero Ottonis inuictissimi regis XIII, Actum Quitlingeborch.*

§. IV.

Illud omnino singulare est, (I) WIGFRIDVM Coloniensem inter quatuor Germaniae archicancellaria-

b) WITICHINDVS Annal. lib. II. pr. apud Meibomium tom. I. p. 642.

c) Quod exhibet WILHELMVS HEDA in histor. Episcop. Vlerajectin. p. 26.

d) In numerandis annis regni Ottonis error irrepsit: est enim annus XIV. computatione secundum numerum annorum post electionem Ottonis generatim inita. In curatiori computatione, quatuor veteres non semper secuti sunt, anno XIV. desunt aliquot menses, si anni regni a mense Iunij anni 936. quo electus est Otto, numerantur et adhuc currit annus XIII.

e) Diploma edidit IO. FRIDER. FALCKE in Cod. Tradit. Corbeiens. in adiunct. monument. N. XIII. p. 747.



larios eodem anno DCCCCL. gessisse archiofficio, videlicet inter FRIDERICVM a) Moguntinum, RVTBERTVM b) Treuirensē, HEROLDVM c) Salisburgensē Archiepiscopos; deinde II.) omnium illorum vicem in subscriptione diplomatum subiisse imperatoris fratrem, Brunonem, Cancellarium, post archiepiscopum Coloniensē, argumento certissimo, Germaniae cancellis illos omnes eodem tempore praefuisse. Ex diplomatum isto anno datorum subscriptionibus, quas in margine recensemus, apparet, eosdem archicancellariatus sui hos terminos seruasse, ut negotiorum ad metropolim pertinentium prae-

a) Fridericus subscripsit donationi Ottonis M. super praedio apud KEITNERVM in antiquis. *Quedlinb. n. VIII. p. 8.* quam ex autographo repetit Dn. DAN. EVERH. BARING. in *clavi dipl. p. 21.* ibi. *Brun Cancellarius ad vicem FRIDERICI Archiepiscopi recognoui. Data 71. Cal. Oâ. A. incarnat. Domini nostri Iesu Christi DCCCCL. ind. VII. Anno vero regni Domini Ottonis invictissimi regis XIV. Actum Quirilnaburg.*

b) Vid. diploma Ottonianum pro monasterio S. Maximini apud Ed. *Martene* in collect. simplif. tom. II. p. 292. cui subscripsit RVTBERTVS Archiepiscopus Treuirensis ibi: *Brun Cancellarius ad vicem RVTBERTI Archiepiscopi recognoui. Data III. Kal. Mars. A. incarnat. Domini nostri Iesu Christi DCCCCL. ind. VII. Anno vero Ottonis Serenissimi regis XIII. Actum in Nemetensi civitate.*

c) Diplomati Ottonia pro Monasterio Emmeramensi subscripsit Heroldus, Salisburgensē archiepiscopus, apud *Gesoldum* in Hundii metrop. Salisb. tom. I p. 152. cuius formula est: *Brun Cancellarius ad vicem HEROLDI Archiepiscopi recognoui. Data XVII. Cal. Aug. Anno Domini DCCCCL. ind. VII. regnante serenissimo rege Ottonē anno. XV. Actum Beheim subur-
dio Naumburg.*



praecipuam curam subiret Metropolitanus, et *Wigfridus* res ad prouinciam suam ecclesiasticam spectantes curauerit, vti *Treuirensis* in causa Monasterii S. Maximini, *Salisburgensis* in causa monasterii Emmeramensis, et Moguntinus in donatione loci, prope Merseburgum siti officium praestiterunt. Hoc exemplo comprobatur sententia ab aliis iam defensa, a) plures subinde isto aevo archicancellariatum eodem tempore obiisse, instar *plurium* eiusdem Imperantis *administrorum*. Quatuor illi archipraesules officio *archicappellani* apud Ottonem fungebantur: quod cum proprie in tractandis causis ecclesiasticis ad Regem delatis consistebat, tum in iisdem non minus expediendis sec. X. versabatur, indeque iam eo aevo archicappellanus *summi Cancellarii* officio functus, et vtriusque appellatio promiscue vsurpata est. Ex quo et illud intelligitur, quare ex pluribus archicancellariis vel is, ad cuius *prouinciam ecclesiasticam* res agenda pertinebant, quod tamen non perpetuo observatum est, vel is, qui *comes imperatori* adhaerebat, curam expediendorum negotiorum subierit. Aliam viam in tollenda difficultate, quam parit *plurium* archicancellariatus, ingreditur Praeful Gotwicensis. e) Omisso *Wigfrido*, binos tantum

a) vid. ill. Jo. Jac. Moscovius de orig. offic. antic. §. VII.

e) in prologo Chronici Gotwicensis tom. II. p. 181.



tum archicancellarios eodem tempore officium gessisse obseruat, *Fridericum* videlicet et *Rutbertum*, et alio tempore rursus eundem *Fridericum* et *Heroldum*; alterum alteri *substitutum* esse existimans occasione turbarum, quae opprimebant *Fridericum*, conspirationis erga *Ottonem* reum, et per aliquot annos a sede *Moguntina* exulem. Sed diplomatum antea excitatorum auctoritate euincitur, quatuor eodem tempore archipraesules archicancellariatum obiisse. Deinde obseruandum, *Fridericum* *Moguntinum* anno 950. dudum in gratiam Imperatoris rediisse, siquidem iam a. 946 f) sedi suae restitutus munus archicappellani gessit vsque ad a. 954. quo fati cessit: vt adeo appareat, plurium archicancellariatum ita conciliari non posse, vt alter alteri substitutum esse censeatur.

§. V.

Mortuo *Agrippinae* sedis provifore *Wigfrido*, *Ottonem* M. episcopatum illius a. 953. *Brunoni* fratri suo dedisse, memorat *Ditmarus* a). Prius quam infulis archiepiscopalibus distinctus erat *BRVNO*, *Henrici* Aucupis filius et *Ottonis* M. frater, in palatio Fratris non modo cancellarij sed et archicappellani officii.

f) Vid. NIC. SERARIUS *rer. Mogunt. l. IV. sub Friderico* apud IOAN. NEM *com. I. p. 428.*

a) *lib. II. apud Leibnitium com. I. script. Brunj. p. 335.*



cium gessit. Auctor vitae Mathildis reginae cap. II. b). *Cum autem Bruno profecisset aetate et sapientia, Rex adiunxit eum sibi per amorem fraternitatis in ministerium Archicapellani. Interim moritur Wigfridus, vir venerandus, qui archiepiscopalem Coloniae sedem possedit, et munere superni dispositoris Brunoni cessit Episcopalis honor dignitatis. Itaque prius, quam archiepiscopus, archicappellanus fuit. Exempla sunt in diplomate de a. 940. pro abbacia Fuldensi c), quod Hobolt Cancellarius ad vicem Brunonis archicapellani recognovit, in diplomate de a. 951. pro ecclesia Wormatiensi eadem formula subscripto, d) et in altero diplomate de a. 952. e) quod Luitolfus cancellarius ad vicem Brunonis archicapellani recognovit. En quintum archicappellanum, nondum archiepiscopum, eodem anno 950. quo quatuor archicappellanos recensuimus, hoc officio in aula Ottonis defungentem. Ceterum quamquam ante adeptum archiepiscopatum nonnulla ceu archicapellanus regius in cancellis expediuerit: eo tamen tempore ordinarium tantum Cancellarium gessit, testantibus tot diplomatum ipso Cancellario saltim ab a. 941. f) vsque ad annum susce-*

1111-

b) apud LEIBNITIVM l. c. tom. 1. p. 197.

c) apud I. F. SCHANNATVM in *hiflor. Fuldens. Cod. Prob. n. 31. p. 146.*

d) apud SCHANNATVM in *hif. Episcop. Wormas. Cod. prob. n. XXI. p. 19.*

e) *ibid. n. XXII. p. 20.*



pti archiepiscopatus 953. g) expeditorum subscriptionibus. Itaque Brunonis exemplo probatur, I) *Cancellarium*, subinde *archicappellani* functionem in aula regia subiisse; eique II) quando negotia ecclesiastica tractabat, hunc honorem habitum esse, qui haberi *archicancellariis* solebat, ut vice ipsius, ceu archicapellani, alius diplomata subnotaret; denique III. supremam expediendorum in cancellis Imperatoris diplomatum curam ad *archicapellanos* pertinuisse, qui inde promiscue *archicancellarii* dicti sunt, prout is titulus Brunoni, ceu *archicapellano*, eo tempore, quo ordinario adhuc cancellarii munereungebatur, anno 944. tribuitur in *diplomate Ottonis* pro ecclesia Leodiensi de a. 944. h) quod *Eimo notarius* ad vicem Brunonis *archicancellarii* recognouit.

§. VI.

Bruno tandem fratris beneficio ad dignitatem *Archiepiscopalem* euectus, deposito cancellariatu, archicapellani et cum eo officio connexi archicancellarii partibus per reliquum vitae tempus ab a. 953. vsque

B 2

ad

- f) vid. dipl. Ottonis de a. 941. pro ecclesia Magdeburgensi in LVNIGII *spicileg. eccles. Part. I. Fortsez. anh. rom. XVI. p. 4.*
g) vid. dipl. Ottonis dat. XI. Cal. Mai. a. 953. in WILHELMI HEDAE *histor. Vltimate. p. 87.*
h) Hoc exhibet ANSELMVS in *gestis Pontificum Traiectensium cap. 44. editus a IO. de CHAPEVILLE in gest. pontif. Tungrens. tom. 1. p. 176.*



ad a. 965. tanta auctoritate gessit, quantam a Frat-
tre imperatoris, ita ab hoc dilecto, vt ei singulari
omnino exemplo totius Regni Lothariensis admini-
strationem et tutelam commiserit, a) et ab Archie-
piscopo archicappellano, et archicancellario expecta-
re licet. Summum, post Ottonem, penes Bruno-
nem regni principatum fuisse, refertur in charta Sig-
fridi comitis de a. 963. a viro reu. Io. Nic. ab Honthern
edita b) *Perrexit ad dominum Brunonem archiepiscopum,*
fratrem videlicet Imperatoris Otthonis, qui tunc principa-
tum totius regni post ipsum tenebat, eique suum deside-
rium manifestauit. Archicancellariatum administra-
uit per Germaniam, testantibus innumeris diplomati-
bus, ad res Germanicas pertinentibus, et in *Cancel-*
lis Germaniae recognitis. c) Italiae archicancellaria-
riatum non gessit: namque Italiae regnum demum
a. 961. quo iam per nouem annos Germaniae archi-
cancellarius fuerat, cum Imperio Germanico vnitum
est; et per reliquos quatuor annos, quibus vixit
Bruno, *Vido*, Mutinensis Episcopus, archicancellaria-
riatu Italiae gauisus est. Id modo obseruamus, pri-
mo anno imperii Ottonis M. et antequam Impera-
tor *res et serinia Italica* ordinasset, Brunonem, ceu
Germaniae Archicancellarium, et cum Imperatore
in

a) Conf. *Origines Guelficae* a Viro Illustri CHRIST. LVDOV. SCHEIDIO
editae tom. IV. vbi vita Brunonis succincte recensetur in *notis* B. IO.
DAN. GRUBERI p. 447.

b) in *histor. diplom. Treuirens.* tom. I. p. 295.

c) Ottoniana diplomata a Brunone recognita recensentur in *Prodrromo Chroni-*
is

in expeditione Italica occupatum, quaedam diploma recognouisse mensē Februario et Martio anni 962. data d). Sed ordinatis mox Italiae cancellis, Vidonem iisdem praefectum eodem adhuc anno functiones archicancellariatus suscepisse, exemplis diplomatum, supra §. 11. excitatorum, euincitur. Ceterum nec Bruno solus in Germaniae cancellis regnauit. Ab anno 954. Archiepiscopatu Moguntino et Germaniae cancellis simul praefuit Wilhelmus, Ottonis M. ex nobili Slaua ante matrimonium susceptus filius. e) Sed rarae sunt Chartae, in quibus Wilhelmi mentio fit: maior copia est earum, quae Brunonem prae se ferunt subscriptorem, ut hunc magis assiduum et fere perpetuum in cancellis fuisse colligere liceat. Quinam inter utrumque archicancellariatus limites seruati sint, definitum difficile est. Hos quidem pro negotiorum ratione et indole constitutos fuisse non apparet, et magis verisimile est, eum, qui proximior lateri regio adhaerebat, expediendis et recognoscendis chartis operam adhibuisse. f) Sane diplomatum exemplis non pro-

- ba-
ei *Gotwicensis tom. I. p. 182.* Multa praeterea exhibentur a CALMETO
in *histor. Lothar. tom. I. p. 367. 372. et seq.* a MEIBOMIO tom. I. p.
744. et seq. a SAGITTARIO *antiquit. Magdeb. §. 72. 73. 75. 80. 86.*
et seq. in *Originibus Guelficis tom. IV. p. 192. et p. 558. et seq.*
d) Diploma Ottonis pro ecclesia Viroadanensi datum Papiae d. XII. Kal. Febr.
a. 962 & vice Brunonis archicancellarii recognitum, exhibet AVGVSTIN
CALMEF *histor. p. Lorraine tom. I. cod. preb. p. 361.* Diploma Ottonis
pro ecclesia Parmensi eodem anno a d. 3. Kal. Mart. Brunonis nomine
recognitum habet FERD. VGHIELVS *ital. sacr. tom. II. p. 158.*
g) Originibus Guelficis tom. IV. ubi de B. GRABERS in not. p. 463.
f) Ita cent. II. Praeul. *Gotwicensis in Prodromo Chronici tom. I. p. 380.*



batur eorum coniectura, qui Wilhelmi tantum in sua prouincia mentionem fieri, et extra hunc casum solum Brunonem cancellis praefuisse existimant, cum extent diplomata a Wilhelmo extra prouinciam et in causis ad aliam prouinciam pertinentibus recognita g).

Progredior ad illud, quod instituti ratio et scribendi officium exigit. Significandi sunt honores

CANDIDATI PRAENOBILISSIMI
AVGVSTI EVGENII BERNARDI
FRANCISCI BODIFE

BONNENSIS

de cuius vita studiisque laudatissime actis ipsum differentem audire iuvabit.

Natus sum Bonnae die 12. Maji anni post N. C. 1730. Patre BERTRAMO BODIFE Serenissimi Electoris Colonienfis Consiliario Aulico, Matre MARIA ELISABETHA WÜESTEN Filia ADAMI WÜESTEN Serenissimi Electoris Colonienfis Consiliarii Camerae, morte iam iam defuncti. Charissimorum horum parentum meorum maxima cura fuit, vt Religionis, pietatisque et litterarum humaniorum solidioribus principiis imbuerer. Inde mihi ab initio praeceptores domestici dati sunt; postea per quinquennium Gymnasium *Clementinum Reuerendorum Patrum S. I.* quod *Bonnae* est, sedulo frequentavi, quorum ex disciplina multos quotidie fructus percepi, quibus principiis ad altiora praeeparatus vniuersam philosophiam itidem apud *Reuerendos Patres S. I.* per biennium audiui, ac quidem sub Reueren-

g) Recognita sunt a Wilhelmo diplomata Ottonis pro monast. St. Maximin. de a. 956. apud Dn. de GVDENVS in *Cod. dipl. rom.* II. p. 4. et alia de a. 962. apud HONTHEMIVM in *bist. Treuir. tom. I.* p. 292. et de a. 963. *ibid.* p. 298. et 299.

✠ ✠ ✠ ✠ ✠

rendis ac Doctissimis Patribus FRANCISCO HEIKERMANCIA-
COBO DÜNTZER, quorum sub moderamine sapissime respondi
ac tandem euoluto biennio vniuersam philosophiam defendi.
Iam Studium Iuridicum adgressus prima eius fundamenta scilicet
Institutiones praeunte praenobilissimo ac doctissimo Domino
IOANNE PETRO SCHEFFER Iurium Professore Electorali,
quoque Bonnae posui. Anno 1749. Bonnam reliqui, et in
aliam ac antiquissimam *Heydelbergam* me contuli, ibique a Re-
ctore tum temporis Magnifico Viro Perillustri ac Generosissimo
de OBERKAMP in numerum Ciuium Academicorum receptus
sum. Doctores praestantissimos ibi habui in Iure Canonico
Reuerendum patrem RÜDEL e S. I. in Iuris Civilis Theoria Il-
lustrem FRANCISCVM ALEF, in Iure publico exc. WEDE-
KINDVM, in praxi Iuris ducem habui exc. IOSEPHVM ALEF,
qui et principia Iuris feudalis mihi tradidit. His accessit exc.
DAHMEN, qui mihi Institutiones Iustinianaeas explicauit. Quorum
Illustrium praestantissimorumque virorum in me humanitatem
atque benevolentiam semper grato pioque animo prosequar. Per
tres annos hae scientiae in celeberrima Heydelbergensi curas meas
occuparunt, cum fama summorum virorum, quibus Academia
haec Gottingensis superbit. Charissimum patrem meum commo-
vit, vt me in hanc Georgiam Augustam mitteret ad literarum stu-
dia vterius prosequenda. Advenam me ciuitate donauit exc.
RICHTERS, qui tunc temporis fasces Academicas tenebat. Occa-
sioni non defuit, quae se hic mihi frequens obtulit, omnium in
quibus erudiri cupiebam scientiarum principia addiscendi. Iu-
ris publici Romano Germanici principia mihi explicavit illustris
et ob huius scientiae cognitionem Celeberrimus SCHMAVSIVS Illu-
stris AYREVS in arte disputandi mihi faces praetulit. In pan-
dectis Doctorem veneror Illustrem ac excellentissimum BOEHME-
RVM praeceptorem meum omni pietatis cultu ad cineres prosequ-
endum, in Iure Germanico et Feudali exc. RICCIVM syndicum
Academiae huius meritissimum, in Historia S. R. I. exc. PÜTTE-
RYN, qui et rem Iudiciariam summorum Imperii Tribunalium
vt



vt et Stilum Cancellariae me docuit. Ius Naturae praecunte exc. ACHENWALLIO didici. Böhmeri doctrinam de actionibus mihi explicavit exc. BECMANNVS senior cuius frater praestantissimus Junior Ius Criminale mihi Cognitum fecit. Hisce omnibus hic peractis ab Illustri Iuris Consultorum Ordine omni qua par est, obseruantia petii, ut mihi summos in vtroque Iure honores conferret.

Nec defuit Ordo noster desiderio honestissimo: siquidem egregios iurisprudentiae studiorumque profectus non minus in examine solenni quam docta textuum iuris vtriusque explicatione ita nobis probauit, vt vnanimia ordinis suffragia ferret. Iam in eo est, vt reliqua praestet, *lectionem cursoriam ad L. 8. C. de iudiciis* nec non dissertationem inauguralem de *origine iurium praecipuorum Archiepiscopi et S. R. I. Electoris Colonienfis* me praeside futuro die XVII. Augusti habiturus: quibus peractis *Praenobilissimo Candidato* decreti honores praescitu et assensu SPLENDIDISSIMI ACADEMIAE CANCELLARII a me conferentur. Istos autem actus vt MAGNIFICVS ACADEMIAE PRORECTOR CVM SENATV, ILLVSTRISSIMI COMITES, ILLVSTRES GENEROSISSIMI NOBILISSIMIQUE CIVES HOSPITES COMMILITONES praesentia sua condecorare haud grauentur, obseruanter diligenterque rogo atque contendo. P. P. in Georgia Augusta a. d. XVI. Aug. cl. b. cc. LIII.



P. 371

Göttingen, Diss., 1753 A-C

ULB Halle

005 350 859

3



VD 78







12

1753,4 / 4

ORDINIS IVRIDICI DECANVS
GEORGIVS LVDOVICVS
BOEHMER D.

CONSILIARIVS REGIVS AVLICVS ET ANTECESSOR

CANDIDATI PRAENOBILISSIMI
AVGVSTI EVGENII BERNARDI FRANCISCI
BODIFE
BONNENSIS

P. 464

SOLENNIA INAVGVRALIA

INDICIT

PRAEMISSA OBSERVATIONE

DE

ARCHIEPISCOPIS COLONIENSIBVS
ARCHICANCELLARIIS PER GERMANIAM
SVB OTTONE M.



GOTTINGAE

PRELO GEORG. LVDOV. SCHVLTZII, ACAD. A TYPIS.

MDCCLIII.

